



 Republika e Kosovës Republika Kosovo Republic of Kosovo	KUVENDI I KOMUNËS SKUPŠTINA OPŠTINE MUNICIPAL ASSEMBLY		 Komuna e Istogut Opština Istok Municipality of Istog
	001 Nr.48/2026	Data: 30.03.2026	

Kuvendi i Komunës në baze të nenit 40 paragrafi 40.2 pika d) të Ligjit për Vetëqeverisje Lokale nr.03/L-040 (Gazeta Zyrtare e Republikës së Kosovës nr.28/2008) dhe nenit 33 paragrafi 33.1 pika 4 të Statutit të Komunës së Istogut 01Nr.62/2010, në mbledhjen e mbajtur me 30,03,2026 Shqyrtoj Raportin e punës së Kuvendit për vitin 2025, dhe nxjerri këtë:

NJOFTIMIN ME RAPORTIN E PUNËS SË KUVENDIT TË KOMUNËS PËR VITIN 2025


1. Kuvendi i Komunës shqyrtojë dhe debatoj Raportin e punës së Kuvendit për vitin 2025.
2. Raporti është pjesë përbërës e këtij njoftimi.
3. Me kopje të këtij Njoftimi të njoftohen: Anëtarët e Kuvendi dhe një kopje mbetet në arkivin e Kuvendi.

 REPUBLIKA E KOSOVES - REPUBLIKA KOSOVA KOMUNA E ISTOGUT - OPŠTINA ISTOK DIREKTORATI PËR ADMINISTRATË - DIREKCIJA UPRAVL	
Nr./Br. <u>001-039-12</u> / Nr. i faq/Br.str. <u>1</u>	
Data/Datum <u>31 / 03 / 2026</u> ISTOG • ISTOK	

Kryesuesi i Kuvendit
z. Enver Rugova

Enver Rugova





Republika e Kosovës
Republika Kosovo
Republic of Kosovo

Komuna e Istog
Opština Istok
Istog Municipality

KUVENDI I KOMUNËS/SKUPŠTINA OPŠTINE/MUNICIPAL ASSEMBLY
ISTOG

001 Nr. 51/2026
Data: 30.03.2026

<http://kk.rks-gov.net/istog/>
Tel: 038/200 438 14

**RAPORT I PUNËS SË
KUVENDIT KOMUNAL PËR VITIN 2025**

Qëllimi

Ky raport, para së gjithash ka për qëllim informimin e drejtë dhe të saktë të institucioneve qendrore dhe të komunës e mbi të gjitha informimin e qytetarëve të Komunës së Istogut, organizatave joqeveritare, shoqërisë civile dhe çdo grupi tjetër të interesit, për nivelin e angazhimit dhe funksionimit të Kuvendit Komunal karshi sistemit juridik të vendit dhe obligimeve që dalin nga ky sistem.

Në këtë Raport janë përfshirë të dhënat e përgjithshme të punëve dhe aktiviteteve të Kuvendit Komunal dhe trupave të Kuvendit sipas Planit vjetor të punës së Kuvendit, mandatit dhe përgjegjësisë.

Vlerësojmë se prezantimi dhe pasqyrimi i aktiviteteve të Kuvendit në këtë Raport gjatë kësaj periudhe raportuese do të shërbej si një tregues i realizimit të objektivave dhe sfidave të Kuvendit e që për qëllim në proceset reformuese kanë ngritjen e transparencës së Kuvendit, përgjegjësisë dhe efikasitetit në punë të anëtarëve të Kuvendit dhe ekzekutivit të Komunës.

Prandaj nga këndvështrimi ligjor, sipas nenin 4 të Ligjit për Vetëqeverisje Lokale, dhe nenit 1 të Statutit të Komunës së Istogut, Komuna përkufizohet si njësi themelore e organizimit të pushtetit dhe vetëqeverisjes lokale në Republikën e Kosovës e përbërë nga të gjithë qytetarët në kuadër të territorit të përcaktuar me ligj. ndërkaq në bazë të nenit 40 paragrafi d) i Ligjit për Vetëqeverisje Lokale, dhe nenit 33 paragrafi 4 i Statutit të Komunës.

Nga ky përkufizim ligjor, Kuvendi i Komunës definohet si organi më i lartë përfaqësues dhe vendimmarrës i zgjedhur në mënyrë të drejtpërdrejt me mandat 4-tër vjeçar.

Raporti i punës

Përbërja e Kuvendit:

Kuvendi i Komunës në bazë të nenit 36 paragrafi 36.1 pika d) përbëhet prej 27 anëtarëve të zgjedhur në mënyrë të drejtpërdrejtë nga qytetarët me të drejtë vote në pajtim me Ligjin mbi zgjedhjet lokale me mandat 4-tër vjeçar.

Struktura dhe përfaqësimi i Kuvendit:

Kuvendi Komunal u zgjodh në zgjedhjet e mbajtura me datë 17.10.2021 ku dhanë betimin të gjithë anëtarët e Kuvendit të Komunës me datë 06.12.2021.

Kryesuese e Kuvendit të Komunës u zgjodh me datën 05.01.2022 nga radhët e AAK- së znj. Fjolla Ukaj. Pas lidhjes së koalicionit të LDK dhe PDK, me datë 09.02.2022 shkarkohet Kryesuesja e Kuvendit të Komunës.

Në mbledhjen e Jashtëzakonshme e cila u thirr për zgjedhjen e Kryesuesit të Kuvendit të Komunës së Istogut me datë 15.02.2022 në mbledhje Kryesues i Kuvendit u zgjodh z. Enver Rugova.

Kuvendi i Komunës së Istog përbëhet nga 27 (njëzet e shtatë) anëtarë të Kuvendit dhe përfaqësohet nga 5 (pesë) subjekte politike.

- | | |
|------------------------------|--------------|
| 1. LDK - përfaqësohet me ... | 12. anëtarë, |
| 2. AAK- " / " me ... | 6. anëtarë |
| 3. VV - " / " me... | 5. anëtarë |
| 4. PDK - " / " me... | 3. anëtarë, |
| 5. GIBI - " / " me... | 1. anëtare, |

Për më tepër së 30 % e numrit të anëtarëve të Kuvendit përfaqësohet nga gjinia femërore, ndërsa karakteristikë e kësaj është se 70% e përfaqësimit të tyre në Kuvend vijnë në bazë të numrit të votave të fituara drejtë për së drejti nga zgjedhësit e jo vetëm për plotësimin e kuotës.

Komitetet dhe Këshillat e Kuvendit të Komunës

Në mbledhjen e Jashtëzakonshme të datës 31.03.2022 të legjislaturës së VII-të në kuadër të Kuvendit të Komunës në bazë të ligjit janë themeluar dy Komitete obligative, Komiteti për Politikë dhe Financa (KPF) dhe Komiteti për Komunitete (KK) me mandat 4-të vjeçar.

Komiteti për Politikë dhe Financa përbëhet prej 7 anëtarëve: 3 nga radhët e LDK, 2 nga AAK dhe 1 nga LVV, si dhe Kryesuesi i Kuvendit i cili me automatizëm është anëtar por edhe kryesues i Komitetit për Politikë e Financa të gjithë anëtarë të Kuvendit. Në këtë komitet gjinia femërore përfaqësohet me tri anëtare, ndërkaq Komiteti për Komunitete përbëhet prej 7 anëtarëve : një nga radhët e LDK, një nga AAK, një nga LVV, një anëtare nga GIBI një nga komuniteti boshnjak dhe një anëtar nga shoqëria civile dhe komiteti përfaqësohet me katër femra. Këtu duhet theksuar se gjithashtu pas dorëheqjes së anëtarit Melis Smakić nga radhët e GIBI, automatikisht edhe në këtë Komitet është zëvendësuar me anëtaresen e re Đula Karišik po nga radhët e të njëjtës parti, e cila ka marrë pozitën e anëtares së

Raporti i punës

Kuvendit në këtë Komitet dhe njëherësh Kryesuese, tashmë si anëtare e këtij Komiteti nga radhët e shoqërisë civile nga komuniteti boshnjak është znj. Arnesa Smakič.

Duke u bazuar në Udhëzimet Administrative përkatëse, me propozim të kryetarit të Komunës e me Vendim të Kuvendit të Komunës është themeluar edhe Këshilli Komunal për Siguri në Bashkësi (KKSB) prej 23 anëtarëve dhe Grupi joformal i grave asambleiste të Kuvendit të Komunës me mandat 4 vjeçar. Përveç themelimit të dy Komiteteve obligative, Këshillit Komunal për Siguri në Bashkësi dhe Grupit jo formal të Grave që në fillim të mandatit.

Kuvendi i Komunës ka themeluar edhe një Komitet Konsultativ gjatë viti 2022 si: Komiteti për Barazi Gjinore, po ashtu është në procedura të themelimit të Komitetit për Persona me Aftësi të Veçanta.

Këto komitete kanë pasur mandat deri në fund të vitit 2022, janë themeluar në bazë të procedurave të cekura në Udhëzimin Administrativ (MAPL) Nr.01/2016 për Procedurën e Themelimit Organizimin dhe Kompetencat e Komiteteve Konsultative në Komuna, dhe përbëhen nga 5 anëtarë.

Sipas planit të punës në vazhdimësi sipas nevojës janë formuar edhe komisione dhe grupe punuese me karakter të përkohshëm.

Puna, aktivitetet dhe efikasiteti i Kuvendit të Komunës dhe trupave të tij

Kuvendi i Komunës, në pajtim me funksionimin dhe kompetencat që ka në bazë të nenit 40 të L.VL por edhe përgjegjësive tjera ligjore, planit vjetor me përgjegjësi dhe përkushtim gjatë kësaj periudhe raportuese Kuvendi i Komunës ka mbajtur:

9 (Nëntë) mbledhje të rregullta ,

0 (zero) mbledhje të jashtëzakonshme,

0 (zero) mbledhje urgjente

3 (tri) mbledhje solemne si dhe

Mbledhjen Inauguruese të Kuvendit me datë 18.12.2025

9 (nëntë) dëgjime me qytetarë (4 për Rregullore 2 për Buxhet dhe 3 për Plane dhe Dokumente tjera).

Gjatë vitit 2025 Kuvendi ka trajtuar dhe shqyrtuar gjithsej (njëqind e njëzet e katër) pika të rendit të ditës duke llogaritur edhe pikat e zakonshme të rendit të ditës, arsytimi i mungesave, miratimi i procesverbaleve dhe pyetje nga anëtarët e KK. Për më tepër të gjitha këto pika të rendit të ditës, paraprakisht janë trajtuar dhe shqyrtuar edhe në mbledhjet e Komitetit për Politikë dhe Financa për të cilat komiteti ka nxjerrë rekomandime dhe i ka dërguar Kuvendit për shqyrtim dhe miratim. Është me rëndësi të thuhet se pothuajse të gjitha rekomandimet e KPF-së

të dërguar në Kuvend për shqyrtim janë mbështetur dhe përkrahur, gjë që tregon një bashkëveprim në mes tyre.

Ndërkaq Komitetet obligative dhe komitetet tjera gjatë kësaj periudhe raportuese kanë mbajtur mbledhje si me poshtë:

- Komiteti për Politikë dhe Financa ka mbajtur 11 mbledhje dhe për secilën pikë të rendit të ditës ka nxjerr Rekomandime për miratim në Kuvend,
- Komiteti për Komunitete ka mbajtur 9 mbledhje,
- KKSB ka mbajtur 5 takime,
- Komiteti për Barazi Gjinore ka mbajtur 0 takime,
- Komiteti Konsultativ për persona me nevoja të veçanta është në procedurë të themelimit.

Në vështrim të pjesëmarrjes së anëtarëve në mbledhje të thirrura nuk ka ndodhë asnjëherë që për shkak të mungesës së kuorumit të shtyhet mbajtja e mbledhjeve as të Kuvendit e as Komiteteve edhe pse ndonjëherë ka pasur mungesa të arsyeshme po edhe të pa arsyeshme nga anëtarët e Kuvendit dhe anëtarët e komiteteve.

Sa i përket punës dhe efikasitetit të Kuvendit të Komunës dhe trupave të saj, gjatë periudhës raportuese Kuvendi ka nxjerrë dhe miratuar 70 (shtatëdhjetë) Vendime, 3 (tri) Rregullore si dhe 3 (tri) Plane Komunale, dhe Kuvendi ka mbajtur edhe 2 (dy) dëgjime publike me qytetarë për planifikimin e buxhetit për vitin 2026-2028 me pjesëmarrjen e anëtarëve të Kuvendit dhe anëtarë të Komitetit për Politikë dhe Financa me një pjesëmarrje jo të kënaqshme të qytetarëve.

Në kuadër të pikës së fundit të rendit të ditës “pyetje nga anëtarët e Kuvendit” anëtarët e Kuvendit gjatë mbledhjeve të Kuvendit të Komunës kanë parashtruar pyetje për ekzekutivin e komunës, disa nga të cilave ju është dhënë përgjigje e menjëhershme nga kryetari dhe nga drejtoret përkatës dhe disa kanë marrë përgjigje në mbledhjet e vijuese, apo me shkrim përmes email adresës elektronike. Pyetjet nga anëtarët e Kuvendit drejtuar ekzekutivit kanë qenë të pakta të drejtuara me shkrim, që kjo do të ishte me efikase dhe një përgjigje më e detajuar për anëtarët e Kuvendit.

Nga anëtarët e Kuvendit në përgjithësi nuk ka pasur mungesa të shumta, por ka edhe nga disa anëtarë të Kuvendit që nuk rrinë deri në fund të mbledhjes, kjo tregon një papërgjegjësi dhe mosrespektim ndaj anëtarëve tjerë.

Kuvendi i Komunës gjatë muajit maj 2025 ka pasur vizitë studimore (shkëmbim përvojash) me komunën OSMANGAZI-BURSA në Turqi ka qenë një përvojë e mirë e bashkëpunimit të cilën do ta vazhdojmë me bashkëpunime të shumta.

Marrëdhëniet e Kuvendit të Komunës me institucionet qendrore, lokale dhe organizatat tjera

Marrëdhëniet dhe bashkëpunimi me institucionet qendrore e posaçërisht me MAPL-në, si autoritet mbikëqyrës i qeverisjes lokale, ka qenë në nivel të mirë. Sa i

Raporti i punës

përket vlerësimin të ligjshmërisë së akteve, me kohë sipas LVL u janë dërguar të gjitha vendimet e miratuara në Kuvend për shqyrtimin e ligjshmërisë së tyre. Vërejtje mund të japim për disa vonesa në konfirmimin e shqyrtimit të ligjshmërisë së akteve.

Kuvendi i Komunës gjatë kësaj periudhe bashkëpunim shumë të mirë dhe të suksesshëm në përgjithësi ka pasur edhe me ekzekutivin e Komunës e në veçanti me Kryetarin e Komunës i cili jo vetëm që ka qenë prezent pothuajse në të gjitha mbledhjet e Kuvendit dhe Komitetit për Politikë dhe Financa por që gjatë këtyre mbledhjeve ka qenë shumë i hapur, konstruktiv, i përkushtuar, kritik por edhe vetëkritik si dhe kreator dhe iniciues i shqyrtimit të shumë çështjeve të rëndësishme me interes të përgjithshëm.

Pa dyshim se bashkëpunim të mirë kemi pasur edhe me Asociacionin e Komunave të Kosovës (AKK) e në veçanti me Kolegjin e Kryesuesve të Kuvendeve Komunale i cili vepron në kuadër të këtij Asociacioni, anëtar në të cilit jemi edhe ne. Pastaj me OSBE-në, Policinë e Kosovës, KFOR-in, shoqërinë civile, grupet e interesit, qytetarët dhe mediat.

Ndërkaq, e veçanta e këtij Kuvendi gjatë gjithë kësaj periudhe ka qenë krijimi dhe ndërtimi i marrëdhënieve të shëndosha në mes anëtarëve, qasja parimore dhe konstruktive ndaj çështjeve të shtruara për diskutim si një tregues real i kultivimit dhe zhvillimit të një demokracie të shëndetshme brenda Kuvendit, si dhe qëndrimi objektiv dhe i përgjegjshëm i anëtarëve ndaj çështjeve me interes të përgjithshëm dhe interesit të qytetarëve të cilët i përfaqësojnë.

Sfidat e Kuvendit Komunal gjatë periudhës raportuese.

Aktualisht, gjatë kësaj periudhe raportuese Kuvendi i Komunës përveç sukseseve ka pasur edhe sfida dhe probleme në realizimin e objektivave dhe synimeve të saj. Një ndër sfidat më të theksuara gjatë punës së Kuvendit edhe për këtë vit që po e lëmë pas ka qenë çështja inferioriteti dhe mos interesimi i qytetarëve por edhe shoqërisë civile në përgjithësi në Debate Publike në shfrytëzimin e të drejtës dhe fuqizimin e rolit të tyre në vendimmarrje. Prandaj, kjo do të mbetet si sfida edhe në të ardhmen dhe obligim i yni për të gjetur format më të mira për motivimin dhe zgjimin e interesimit të tyre në shfrytëzimin e të drejtës dhe ndikimit që mund të kenë ndaj institucioneve në vendimmarrje me propozimet e tyre gjatë debateve publike të organizuara nga Kuvendi i Komunës.

Ndonëse rezultatet e arritura gjatë këtij viti raportues kanë qenë mjaft inkurajuese, po kjo duhet të na shërbejë si motivim më i madh në angazhimin dhe përkushtimin tonë të përbashkët për realizimin e të gjitha objektivave dhe synimeve të planifikuara për një të ardhme më të mirë, më shpresëdhënëse dhe më prosperitet dhënëse për të gjithë qytetarët e komunës sonë, pavarësisht përkatësisë së tyre etnike, gjinore, fetare, racore dhe politike.

Struktura dhe përfaqësimi i Kuvendit:

Raporti i punës

Kuvendi Komunal u zgjodh në zgjedhjet e mbajtura me datë 12.10.2025 ku dhanë betimin të gjithë anëtarët e Kuvendit të Komunës me datë 18.12.2025.

Kuvendi i Komunës së Istog përbëhet nga 27 (njëzet e shtatë) anëtarë të Kuvendit dhe përfaqësohet nga 5 (pesë) subjekte politike dhe (një anëtar i pavarur)

1. LDK - përfaqësohet me ... 14. anëtarë,
2. PDK- " / " me ... 6. anëtarë
3. VV - " / " me... 3. anëtarë
4. AAK- " / " me... 2. anëtarë,
5. Lulzim Shoshi (i pavarur) " / " me... 1. anëtar,
6. IRDK- " / " me... 1. anëtar,

Për më tepër së 30 % e numrit të anëtarëve të Kuvendit përfaqësohet nga gjinia femërore, ndërsa karakteristikë e kësaj është se 70% e përfaqësimit të tyre në Kuvend vijnë në bazë të numrit të votave të fituara drejtë për së drejti nga zgjedhësit e jo vetëm për plotësimin e kuotës.

Kryesuesi i Kuvendit,
z. Enver Rugova

